

**Grupa poslanika/zastupnika
u Predstavničkom/Zastupničkom domu
Parlamenta Federacije BiH**

PRIJEDLOG

ZAKON
O DOPUNAMA ZAKONA O POTVRĐIVANJU PRAVA NA PRIJEVREMENU STAROSNU
PENZIJU OSTVARENU POD POVOLJNIJIM UVJETIMA

Sarajevo, februar 2013. godine

PRIJEDLOG ZA DONOŠENJE ZAKONA PO HITNOM POSTUPKU

U skladu sa članom 191. Poslovnika o radu Predstavničkog doma („Službene novine Federacije BiH“, br. 69/07 i 2/08) predlažemo da se **PRIJEDLOG ZAKONA O DOPUNAMA ZAKONA O POTVRĐIVANJU PRAVA NA PRIJEVREMENU STAROSNU PENZIJU OSTVARENU POD POVOLJNIJIM UVJETIMA** razmatra i donese po hitnom postupku.

Razlozi za donošenje Zakona sadržani su u članu 48.a Zakona o službi u oružanim snagama Bosne i Hercegovine („Službeni glasnik BiH“, broj 42/12), prema kome će se penzije za vojnike iz člana 48. navedenog Zakona urediti na način kako su ta prava entiteskim propisima regulisana za srodne kategorije.

ZAKON
O DOPUNAMA ZAKONA O POTVRĐIVANJU PRAVA NA PRIJEVREMENU
STAROSNU PENZIJU OSTVARENU POD POVOLJNIJIM UVJETIMA

Član 1.

U Zakonu o potvrđivanju prava na prijevremenu starosnu penziju ostvarenu pod povoljnijim uvjetima („Službene novine Federacije BiH“ br. 42/11 i 37/12), iza člana 3a. dodaju se novi čl. 3b. i 3c. koji glase:

Član 3b.

" Potvrđuju se prava na penziju ostvarena po članu 48. stav 4. Zakona o službi u oružanim snagama Bosne i Hercegovine („Službeni glasnik BiH“, br. 88/05, 53/07, 59/09, 74/10 i 42/12), do donošenja jedinstvenog zakona o povoljnijem penzionisanju pripadnika branilačkih populacija u Federaciji Bosne i Hercegovine.

Preuzimaju se na isplatu iz federalnog budžeta korisnici prava iz stava 1.ovog člana, počev od 01.06. 2012.godine.

Isplata penzija za korisnike iz stava 1. ovog člana za period 01.06.2012. do 31.12. 2012. godine vršit će se iz sredstava koja su doznačena Odlukom o davanju saglasnosti Federalnom zavodu za isplatu akontacije penzija ostvarenih po članu 48. stav 4. Zakona o službi u oružanim snagama Bosne i Hercegovine („Službene novine Federacije BiH“, broj 1/12) linearno u jednakim iznosima za sve korisnike, u skladu sa raspoloživim sredstvima.

Od 01.01.2013. godine do donšenja jedinstvenog zakona o povoljnijem penzionisanju pripadnika boračke populacije i utvrđivanja novog iznosa penzija, isplata penzija iz stava 1. ovog člana vršiti će se privremeno u skladu sa raspoloživim sredstvima u Budžetu Federacije Bosne i Hercegovine, u iznosu koji ne može biti manji od iznosa najniže penzije korisnika povoljnijih penzija u Federaciji Bosne i Hercegovine."

Član 3c.

„ Izuzetno, na prijedlog Ministarstva odbrane, pravo na prijevremenu starosnu penziju stiče, bez obzira na godine života i penzijskog staža, vojnik koji je najmanje dvije godine do 23.12.1995. godine bio pripadnik Armije Republike Bosne i Hercegovine ili Hrvatskog vijeća odbrane, a koji se na dan 01.01.2010. godine nalazio u vojnoj službi, te će mu zbog nemogućnosti produženja ugovora, služba prestati u 2013. godini.

Isplata penzija za korisnike iz stava 1. ovog člana vršit će se na način predviđen u stavu 4. člana 3.b. ovog Zakona".

Član 2.

Ovaj Zakon stupa na snagu narednog dana od dana objavljivanja u „Službenim novinama Federacije BiH“, a primjenjivat će se od 01. 06. 2012.godine.

OBRAZLOŽENJE

ZAKONA O DOPUNAMA ZAKONA O POTVRĐIVANJU PRAVA NA PRIJEVREMENU STAROSNU PENZIJU OSTVARENU POD POVOLJNIJIM UVJETIMA

I - USTAVNI OSNOV ZA DONOŠENJE ZAKONA

Ustavni osnov za donošenje ovog Zakona sadržan je u članu III. 2.e), u vezi sa članom III. 3/3), Ustava Federacije Bosne i Hercegovine („Službene novine Federacije BiH“, broj 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine, ima pravo utvrđivati politiku i donositi zakone iz oblasti socijalne politike.

II - RAZLOZI ZA DONOŠENJE ZAKONA

Razlozi za donošenje Zakona sadržani su u članu 48. a Zakona o službi u oružanim snagama Bosne i Hercegovine („Službeni glasnik BiH“, broj 42/12), prema kome će se penzije za vojnike iz člana 48. navedenog Zakona urediti na način kako su ta prava entiteskim propisima regulisana za srodne kategorije.

III - POJAŠNJENJA POJEDINIH ODREDBI

Članom 1. - propisano je da se preuzimaju korisnici penzije po čl. 48. stav 4. Zakona o službi u oružanim snagama BiH, do donošenja novog zakona kojim će se urediti pitanje povoljnijeg penzionisanja pripadnika boračkih populacija u Federaciji Bosne i Hercegovine. Ovim članom propisano je osiguranje sredstava u Budžetu Federacije Bosne i Hercegovine i način isplate.

Nadalje, propisano je da pravo na prijevremenu starosnu penziju mogu ostvariti vojnici koji su bili pripadnici Armije Republike Bosne i Hercegovine ili Hrvatskog vijeća odbrane najmanje dvije godine, kojima će vojna služba prestati u 2013. godini.

Članom 2.- propisano je da će se ovaj Zakon primjenjivati od 01.06.2012. godine kako ne bi došlo do prekida isplate.

IV - FINANSIJSKA SREDSTVA

Za provođenje ovog Zakona u 2012. godini nije potrebno u Budžetu Federacije Bosne i Hercegovine osigurati dodatna finansijska sredstva.